

A DON GIORGIO

(poesiola scherzosa)

Che festa l'è mai questa?
El disarà 'n quaivun cha passa via
E 'l me ved chi tucc in compagnia
A batt i man per on amis
Che 'l tira su e ch' el va via?

Ecco, donca, a quel tal cosa ghe risponderia:
Semm chi per fag festa e ringrazia
On car amis, che l'è on brav'om, tutt sommàa,
Anca se i soo manii 'nca lu gh' jà!

L'è semper taccà al so smartphon
O come diavol el se ciam quel' arnes
Ch'el se porta adrée cont'el so pes?
Tant che mi credi che oramai
L'è la sua protesi che se staca mai!
Nanca quand ch'el dorma in del so lett
Nanca in de quel post che persin papa e re
Van de per lor, senza compagnia!
Nanca in de quel sit se la tira via!

Ma l'è anca 'l so strument, a vess sincer,
Che smanettandol matin e ser
El se tira adrè tanti bagai
Per tirai foeura di so pastiss e di so guai.
Che bel vedé tanta gioventù
Che grazie a lu incontren el bon Gesù!

Poeu gh'è 'n'altra roba che vorrisi di
Che fa semper part di so 'bitudin, di so manii:
Se per caso vorì 'ndà a la sua Messa
Fée pur con comod, vegh minga pressa!
Tant quei cinq o des minut doarì 'spettà
Perché l'è semper de corsa, le tutt ciapàa!

Del rest l'è anca on gran sportiv
E la sua corseta la fa tut'i dì.
Adess la farà in di praa de Peschiera
Ma 'l corarà semper, matina o sera,
Sognando de cor su la riva del Rio de la Plata,
Ma questa la sarà de cuntàa in on'altra puntata!!!

da Don Arnaldo